

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqquteqaatit:

1. Naalakkersuisut Uummannami talittarfik/umiarsualivik pitsanngorsaaviginissaannut suut pilersaarutigaat?
 - a. Pilersaaruteqartoqarsimappat, taava suliaq qaqugu naammassissangatinneqarpa?
2. Naalakkersuisut qanoq isumaqarfigaat Juulimaap Inaata eqqaani talittarfimmik pilersitsisoqarnissaanik siunnersuut?
 - a. Pingaarnersiutinerni tamanna ilaareerpa?
3. Naalakkersuisut suut suliniutiginiarpaat, nioqqutissanik Uummannamut pilersuineq aalajaatsoq qulakkeerniarlugu, ullumikkut atugassarititaasut pilersuineq pitsaanngitsut atuutsillugit?
4. Naalakkersuisut pilersaaruteqarpat Qaarsunni talittarfimmik pilersitsinissamut, qulimiguulimmik angallassinermik isumalluuteqarneq annikillisinniarlugu?
 - a. Taamaattoqarpat, taava piffissaliunneqartoq qanoq isikkoqarpa?
5. Naalakkersuisut qanoq iliorlutik isorliunerusuni angallassinert aammalu inuuniarnikkut atugassarititat pitsanngorsaaviginissaannut qulakkeerinninniarpat, aamma Uummannami Qaarsunnilu talittarfiit umiarsuliviillu pisariaqartinneqartut pitsanngorsaavigineqassanngippata?
6. Naalakkersuisut oqaluserisamut soqutiginaatilinnik allanik paasisutissiisinnaanerlutik?

(Inatsisartunut ilaasortaq Pipaluk Olsen, Demokraatit)

Tungavilersuut

Siullermik Uummannami talittarfik/umiarsualivik aqqivigineqarnissaa Uummannami najugaqartunit oqaatigineqarpoq. Tamanut kallaasuuvoq soorlu aalisartunut, umiarsuaq tikittussanut allanullu. Tamanna immami inuussutisarsiortunik assut isornartorsiorneqarluni. Nutaamilli juulimaap inaata eqqaani tulattafiliortoqarnissaa qaqqineqattaarpoq, talinniarnikkut sutigut tamatigut oqilisaataasussaammat. Aalisarnikut imaani tamaviaareerlutik ajornanngitsumik talittariaqarput. Sineriammi tamanna ajornartorsiutaasarnera inunnut eqquisarnera ajorpoq. Allaammi nioqqutissanik angallassineq eqqugaasarnera inunnut pineqartunut peqqinnanngilaq. Nioqqutissat tikiunneqarnissaat qulakkeerneqartariaqarpoq, inuit pineqartut eqqugaajuaannarsinnaanngillat.



Tullia Qaarsuni talittarfimmik pilersitsisoqartariaqarpoq, pissutigalugu angallannikkut helikopteri isumalluutaagaluarluni unikulasinnaasarmat. Angallassisartut piareersimagaluarput talittarfeqaraluarpat oqilisaassisussatut tamannalu eqaannerusumik inunnut atugassaritinneqartunut iluaqutaangaatsiassalluni. Talittarfiit taakkua marluk pilersinneqartuuppata isorliunerusuni inuuneq aamma oqinnnerutitsisinnaavoq sutigut tamatigut.

Apeqquteqaatima ullut suliffiusut qulit iluanni akineqarnissaat qilanaaraara.